

1. juli 2026

Inatsisartut suleriaasianni § 37, imm. 1 naapertorlugu Naalakkersuisunut apeqquut imaattoq matumuuna saqqummiuppara:

Naalakkersuisunut apeqqutit:

- 1. Naalakkersuisut paasissutissiissutigisinnaavaat, 2024-mi, 2025-imi kiisalu 2026-mi piffissami kingullermik naatsorsorneqarsimasumi nunatta iluani angalasut qassiusimanersut?**
 - a. Naatsorsuinermi sapinngisamik timmisartukkut, qulimiguulikkut, umiarsuakkut, aqqutit/ingerlavissat, aallartarfik aamma tikiffik kiisalu kiffartuussinissamik isumaqatigiissuteqarfiusut aamma niuernikkut iluanaarutitalimmik ingerlanneqartut immikkoortillugit paasissutissiissutigeqquneqarput.
 - b. Naatsorsuinermi aammattaaq sapinngisamik ilaasut Kalaallit Nunaanni aalajangersimasumik najugaqartut aamma ilaasut Kalaallit Nunaanni aalajangersimasumik najugaqanngitsut immikkoortillugit paasissutissiissutigeqquneqarput.
- 2. Naalakkersuisut paasissutissiissutigisinnaavaat, Naalakkersuisut imaluunniit angallassinermik ingerlatsisut attuumassuteqartut ullumikkut paasissutissanik peqarnersut, nunatta iluani angalanerit qanoq annertutigisumik Kalaallit Nunaanni aalajangersimasumik najugaqartunit ingerlanneqartarnersut takussutissiisinnaasunik?**
 - a. Paasissutissat taamaattut pigineqanngippata, Naalakkersuisut qanoq naliliippat, Kalaallit Nunaanni aalajangersimasumik najugaqartunit nunap iluani angalanerit amerlassusaat allaffissornikkut isumannaatsumik qanoq naatsorsorneqarsinnaanersut?
- 3. Naalakkersuisut nassuiaateqarsinnaappat, nunatta iluani angalanernut tunngatillugu ullumikkut akikillisaatit, tapiissutit imaluunniit bilitsit immikkut ittut suut atuunnersut?**
 - a. Nassuiaammi meeqqat, inuusuttut, utoqqaat, ilaqtariit, kiffartuussinissamik isumaqatigiissuteqarfiusuni najugaqartut kiisalu isumaginninnikkut pisariaqartitsineq tunngavigalugu aaqquissuussinerit pillugit akikillisaatit ilannguteqquneqarput.
 - b. Naalakkersuisut akikillisaatit taakku angallassinermik ingerlatsisut namminneq aningaasalersorneraat, pisortat tapiissutaatigut aningaasalersorneqarnerat imaluunniit allatigut aningaasalersorneqarnerat paasissutissiissutigissagaat kissaatigineqarpoq.

4. Naalakkersuisut missiliuussisinnaappat, Kalaallit Nunaanni aalajangersimasumik najugaqartut nunap iluani akikinnerusumik angalasinnaalissappata, tamanna pisortanut allaffissornikkut aningaasaqarnikkullu qanoq kinguneqassanersoq, matumani aaqqissuussinerit assigiinngitsut, soorlu nunap iluani angalanernut 10 %, 20 %, 30 % aamma 50 %-imik akikillisaatit tunngavigalugit?
5. Kalaallit Nunaanni aalajangersimasumik najugaqartut nunap iluani akikinnerusumik angalasinnaalissappata, tamanna innuttaasunut allaffissornikkut aningaasaqarnikkullu qanoq kinguneqassanersoq Naalakkersuisut missingersorsinnavaat?
6. Kalaallit Nunaanni aalajangersimasumik najugaqartut nunap iluani akikinnerusumik angalasinnaalissappata, tamanna inuussutissarsiornermut, allaffissornikkut aningaasaqarnikkullu qanoq kinguneqassanersoq Naalakkersuisut missingersorsinnaavaat?
7. Kalaallit Nunaanni aalajangersimasumik najugaqartut nunap iluani angalanernut akikillisaavigineqarsinnaalernissaat inatsisinik allanguinissamik, aningaasanut inatsimmi aningaasaliissuteqarnissamik, kiffartuussinissamik isumaqatigiissutininik allanguinissamik imaluunniit angallassinermik ingerlatsisut angallassinissamut isumaqatigiissutininik nutaanik pisariaqartitsissanersoq Naalakkersuisut nassuiaateqarsinnaappat?
 - a. Taamaattoqassappat, inatsisit sorliit, kiffartuussinissamik isumaqatigiissutit sorliit aamma isumaqatigiissutit sorliit pineqassappat?

(Inatsisartunut ilaasortaq Mette Arge-Hammeken, Naleraq)

Tunngavilersuut:

Apeqqutit taakku tunngavigalugit kissaatigineqarpoq paasissutissatigut tunngaviusut kiisalu Kalaallit Nunaanni aalajangersimasumik najugaqartut nunap iluani akikinnerusumik angalasinnaalernissaannut atatillugu innuttaasunut, inuussutissarsiornermut aamma pisortanut allaffissornikkut aningaasaqarnikkullu kingunerisinnaasat qulaajarneqarnissaat.

Assersuutigalugu akit aalajangersimasut tunngavigalugit naatsorsuinermit erserpoq, ilaqutariit inersimasut marluk meeqqallu marluk, 4-nik aamma 14-inik ukiullit, nunatsinni Uummannamit Qaqortumut uterlugulu angalanermi timmisartumut bilitsinut 56.000 kr.-it missaannik akiliisariaqalersinnaasut.

Apeqqutigineqartut ullut suliffiusut qulit (10) iluanni allakkatigut akineqareersimanissaat piumasarineqarpoq. Oqaatsinik nutserisimanermi paatsuungasoqassatillugu kalaallisut allassimasoq aallaavineqassaaq.